



19. august 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Angalatitseqatigiiffiup Air Greenlandip Nuummi mittarfiup atulerneraniit ullumikkumut aningaasat katillugit qanoq amerlatigisut kinguaattoornerit peqqutigalugit aningaasartuuteqarneroreerpat?
2. Illoqarfik Nuummi kinguaattoornernut aningaasartuutit katillugit qanoq annertussuseqarpat?
3. Kinguaattoornermut aningaasartuutini nunap immikkoortuini qanoq aggulugaappat?
4. Kinguaattoornernut aningaasartuutini suut peqqutigalugit kinguaattoortoqarnersoq immikkoortiterneqartarpat?
5. Naalakkersuisut maluginiarsimanerlugu sooq Nuup avataaniittut angalasut, naak Nuummukartussaannngikkaluit amerlasoorpassuit, Nuukkoorteqqaarneqartalernerat?
6. Tamanna Nuummi mittarfiup akitsuutini (lufthavnafgift-inik) innuttaasut sinerissamiittut akilersueqaatanerunissaannik siunertaqarnersoq paaserusunnaarpoq.
7. Taamaassimappat peqqutaasut aggulunneri Naalakkersuisut saqqummiussinnaavaat?
8. 2018-imi mittarfiit pillugit inatsisartut aalajangerniarneranni tunngavigineqartumi (Deloitte suliaani) qanoq annertutigisumik kinguaattoornernut aningaasartuuteqartoqarnissaa annertussuseqarpa?
9. Nuummi mittarfik timmisartut orsertarnissaannut mittarfimmi (biiliunngitsunik) tankeqarpa?
10. Ilulissani Qaqortumilu mittarfiit sanaartorneqartut (biiliunngitsunik) mittarfimmi tankilerneqassappat?
11. Nuummi mittarfiup saarpiaaniittut biilnut unittarfiit (parkering) allanngortiterneqassamaarpat?
12. Nuummi mittarfimmi nassatanik tunniussivissat aaqqinneqarnissaat qanoq pilersaarutigineqarpat?
13. Nassatanik tunniussivissat amerlineqassappat?
14. Nuummi ajornartorsiutit ilisimaleriikkat Ilulissani Qaqortumilu pinnginnissaat qulakkeerniarlugu Naalakkersuisut sanaartortunut oqaloqateqarnikuuppat?
15. Naalakkersuisut allanik paasissutissaasinnaasunik peqarpat?

(Inatsisartunut ilaasortaq Erik Jensen, Siumut)

Tunngavilersuut:

Ilisimaneqartutut piffissami sivitsortumi Nuummi mittarfiup nutaap atulernerata kingorna kinguaattoornerit arlalippassuit uteqqiasumillu pisaqattaarput. Tamatumani Greenland Airportip annertuumik akisussaaqataanera ilisimavarput, kisiannili qanoq aningaasatigut naleqarsimanera



innuttaasunut saqqummiussuutissasoq annerusumik sulit tusaqqinnatigu. Tassami qularnanngimmat angalanernut akit, bilitit akiisa qaffapiloorsimanerat tamatumani aamma peqqutaaqataasimassaaq. Taamaattumik apeqquaqatitnik ersarissumik paasisaqarusullunga nassiuussivunga.

Oqallinnernili uggorisaqara sineriammiut Nuummiuluartutut imaluunniit nutaanik isaatitsivissanut ineriartornermullu aporfissarsiortutut taakkartorniarnegalerangata sineriammiut. Uffalu annertunerpaamik angalanernut akiliutinik annertusiartuinnavissunik nalaataqartarnertik aaqqiivigeqqullugu ilungersortut, tusaqqusullu.

Apeqqutigineqartut ullut suliffiusut qulit iluanni akeqquneqarput.